

ქ. ზუგდიდი

„14“ ივნისი 2017 წ.

ერთის მხრივ შსს სამეგრელო-ზემო სვანეთის პოლიციის დეპარტამენტი, (მის: ზუგდიდი, სოფ. ჭითაწყარი, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 220015882 (შემდგომში „შემსყიდველი“) შსს სამეგრელო-ზემო სვანეთის პოლიციის დეპარტამენტის დირექტორის გურამ ზესაშვილის სახით და მეორეს მხრივ ი/მ „ვახტანგ ცხადაია“ (მის: ქ. ზუგდიდი, ჯანაშიას 3/9; ტელ: 577 59 94 49 . საბანკო რეკვიზიტები: სს „თი ბი სი ბანკი“ ბანკის კოდი: TBCBGE22; ანგ. ანგარიში: GE91TB5094936010100056 ს/კ 19001012292) (შემდგომში „მიმწოდებელი“) წარმოდგენილი დირექტორის ვახტანგ ცხადაია სახით საქართველოში მოქმედი კანონმდებლობის შესაბამისად და მათი გათვალისწინებით, ვთანხმდებით სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

1. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 1.1. ხელშეკრულების (შესყიდვის) ობიექტია: შსს სამეგრელო-ზემო სვანეთის ბალანზე რიცხული ვაზ 2121 ავტოსატრანსპორტო საშუალებების (სხვადასხვა მარკის) ტექნიკური მომსახურება დანართი N1, დანართი N2 და დანართი N3-ის შესაბამისად
- 1.2. შესყიდვის საშუალება: ელექტრონული ტენდერი **SPA170006470**
- 1.3. ხელშეკრულების საერთო ღირებულება შეადგენს 6200,00 (ექვსი ათას ორასი) ლარს, შესყიდვის ობიექტის მიწოდებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადის ჩათვლით. ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.
- 1.4. კლასიფიკატორის კოდი - 50100000 - სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებები.
- 1.5. ხელშეკრულება ძალაშია ხელშეკრულების გაფორმებიდან 2018 წლის 31 იანვრამდე, მაგრამ არანაკლებ მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.
- 1.6. დაფინანსების წყარო: 2017 სახელმწიფო ბიუჯეტი.

2. გამოყენებული ტერმინების განმარტებები

- 2.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:
  - 2.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
  - 2.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
  - 2.1.3. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;
  - 2.1.4. "მიმწოდებელი" ნიშნავს პირს, რომელიც ახორციელებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
  - 2.1.5. "დღე", "კვირა", "თვე" ნიშნავს კალენდარულ დღეს, კვირას, თვეს.
  - 2.1.6. „ტექნიკური დოკუმენტაცია“ - მიმწოდებლის მიერ **SPA170006470** ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.
- 2.2. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

3. ხელშეკრულების თანმდევი დოკუმენტები:

- 3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:



ა) შს სამინისტროს ბალანზე რიცხული სხვადასხვა მარკის ავტომანქანების ტექნიკური მომსახურების გაწევის ტექნიკური სპეციფიკაცია და განფასების ცხრილი (პრეისკურანტი) (დანართი N1);

ბ) შს სამინისტროს ბალანზე რიცხული სხვადასხვა მარკის ავტომანქანების ტექნიკური მომსახურების გაწევის აუცილებელი პირობები (დანართი N2);

გ) აღრიცხვის პროგრამული უზრუნველყოფის ტექნიკური მახასიათებლები და ფუნქციონალი (დანართი N3);.

დ) **SPA170006470** ელექტრონულ ტენდერში მიმწოდებლის მიერ სატენდერო წინადადებით წარმოდგენილი ტექნიკური დოკუმენტაცია.

#### 4. მიწოდების ვადები

4.1. ავტოსატრანსპორტო საშუალების ტექნიკური მომსახურების გაწევა უნდა განხორციელდეს წინამდებარე ხელშეკრულების დანართი N1, დანართი N2 და დანართი N3-ის შესაბამისად. მიმწოდებელმა, შემსყიდველის მოთხოვნიდან არაუგვიანეს მომდევნო კალენდარული დღისა უნდა ჩაატაროს ავტომობილების დათვალიერება და წარუდგინოს შესყიდველს დეფექტური აქტი ხელმოსაწერად, რომელშიც აღნიშნული იქნება გასაწევი მომსახურების ან/და ასეთი მომსახურებისათვის საჭირო საქონლის/სათადარიგო ნაწილების დეტალური აღწერა, ღირებულება და მომსახურების გაწევის ვადა:

4.1.1. სავალი ნაწილებისათვის 2 კალენდარულ დღეს;

4.1.2. ელექტროობისათვის 3 კალენდარულ დღეს;

4.1.3. აგრეგატებისათვის 8 კალენდარულ დღეს;

4.1.4. სათუნუქე სამღებრო სამუშაოებისათვის 10 კალენდარულ დღეს;

4.1.5. ხანგრძლივი მომსახურების (ძრავის, სიჩქარეთა კოლოფის) გაწევის დრო 15 კალენდარულ დღეს;

4.1.6. დეფიციტური სათადარიგო ნაწილებით უზრუნველყოფისას 20 კალენდარულ დღეს;

4.1.7. სხვა დანარჩენ შემთხვევებში შემსყიდველის მიერ მითითებულ გონივრულ ვადებს.

4.2. წინამდებარე ხელშეკრულების დანართი N3-ით განსაზღვრული აღრიცხვის პროგრამული უზრუნველყოფის დანერგვა უნდა მოხდეს, შემსყიდველთან პროგრამული უზრუნველყოფის საბოლოო ფუნქციონალზე შეთანხმების შემდეგ, შეთანხმებიდან 20 სამუშაო დღის განმავლობაში.

4.3. ქ. თბილისში, ქ. ქუთაისში და ქ. ფოთში არსებული სერვის ცენტრების ვიდეოკამერებით აღჭურვა უნდა მოხდეს ხელშეკრულების გაფორმებიდან 15 სამუშაო დღის განმავლობაში, რომლებიც საშუალებას უნდა აძლევდეს შემსყიდველს რეალურ დროში დააკვირდეს მუშაობის პროცესს (კამერების ხედვის არეალში მოქცეული იქნება ყველა „ბოქსი“, სადაც მოხდება სატენდერო ავტომობილების შეკეთება).

#### 5. მხარეთა ვალდებულებები

5.1. მიმწოდებელი ვალდებულია:

5.1.1. გაუწიოს შემსყიდველს წინამდებარე ხელშეკრულების დანართი N1, დანართი N2 და დანართი N3-ით გათვალისწინებული მომსახურება ხელშეკრულების გაფორმებიდან 2017 წლის 31 დეკემბრის ჩათვლით, ხელშეკრულების მე-4 მუხლით განსაზღვრულ ვადებში. ამასთან, მომსახურების გაწევა უნდა განხორციელოს, მოქმედი ყველა საჭირო ნორმების, სტანდარტებისა და წესების მოთხოვნების დაცვით.

5.1.2. შემსყიდველის ავტომანქანის მომსახურებას მიაწიოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას.

5.1.3. უზრუნველყოს აღრიცხვის პროგრამული უზრუნველყოფის დანერგვა, დანართი N3-ში მოცემული ტექნიკური მახასიათებლებისა და ფუნქციონალის შესაბამისად.

5.1.4. ავტომობილების მომსახურება განხორციელოს დეფექტურ აქტში მოცემულ მხოლოდ იმ პოზიციებზე, რომლებზეც იქნება შემსყიდველის ელექტრონული თანხმობა

5.1.5. წინამდებარე ხელშეკრულების მე-4 მუხლში მითითებულ ვადებში უზრუნველყოფს ქ. ზუგდიდში არსებული სერვის ცენტრის ვიდეოკამერებით აღჭურვა.

5.1.6. მომსახურების დასრულებისთანავე გადასცეს შემსყიდველს ავტომანქანა.

5.2. შემსყიდველი ვალდებულია:

5.2.1. აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

5.2.2. მიაწოდოს მიმწოდებელს აღრიცხვის პროგრამული უზრუნველყოფის საბოლოო ფუნქციონალი.

#### 6. გარანტია და უხარისხოდ გაწეული მომსახურება

6.1. მიმწოდებელი გაწეული მომსახურების ხარისხი უნდა შეესაბამებოდეს დადგენილ სტანდარტებს და წინამდებარე ხელშეკრულებით განსაზღვრულ მოთხოვნებს.

6.2. ექსპლუატაციის პირობების დაცვის შემთხვევაში (თუ არ აღინიშნება გარეგანი მექანიკური ზემოქმედებით გამოწვეული დაზიანება) გარანტია მიმწოდებლის მიერ გაწეულ მომსახურებაზე ან/და ამ ხელშეკრულებით



გათვალისწინებული მომსახურების გაწევის დროს გამოყენებულ სათადარიგო ნაწილებზე, ვრცელდება შესაბამისი მიღება-ჩაბარების აქტის გაფორმებიდან 1 (ერთი) წლის განმავლობაში (თუ პრეისკურანტში არ არის მითითებული განსხვავებული ვადები და გარბენი).

6.3. მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 5 კალენდარული დღის ვადაში განახორციელოს უხარისხოდ გაწეული მომსახურების წუნის გამოსწორება და შეუსაბამოს ხელშეკრულებით გათვალისწინებულ მოთხოვნებს, შემსყიდველის მხრიდან დამატებითი დანახარჯების გაწევის გარეშე;

6.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

## 7. ხელშეკრულების პირობების ინსპექტირება და შესრულების კონტროლი

7.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ, შსს სამეგრელო-ზემო სვანეთის პოლიციის დეპარტამენტის საორგანიზაციო უზრუნველყოფის განყოფილების უფროსი პაატა ალშიბაია, განყოფილების უფროსის მოადგილე ბადრი გოგინავა, წმყვანი სპეციალისტი ირაკლი მეფარიშვილი და თანამშრომელი ეკატერინე გუგუშვილი.

7.2. კონტროლს განახორციელებელი შესაბამისი უფლებამოსილი პირ(ებ)ის (ინსპექტირების ჯგუფის) ფუნქციაა:

7.2.1. დაადგინოს გაწეული მომსახურების და შეცვლილი სათადარიგო ნაწილის ხარისხის ხელშეკრულების მოთხოვნებთან შესაბამისობა.

7.2.2. დაადგინოს მომსახურების გაწევისა და სათადარიგო ნაწილის შეცვლის ვადების ხელშეკრულების მოთხოვნებთან შესაბამისობა.

7.2.3. პერიოდულად მოახდინოს მიმწოდებლის მიერ დანერგილი აღრიცხვის პროგრამული უზრუნველყოფის მონიტორინგი, მისი შესაბამისობა ხელშეკრულებით განსაზღვრულ მოთხოვნებთან და პროგრამული უზრუნველყოფის გაუმჯობესების მიზნით, შეუმუშავოს შესაბამისი რეკომენდაციები.

7.2.4. პერიოდულად შეამოწმოს, მიმწოდებლის მიერ სერვის ცენტრებში დაყენებული ვიდეოკამერების ფუნქციონირების შესაბამისობა ხელშეკრულების მოთხოვნებთან.

7.2.5. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში შესაბამისი სამსახურის ინფორმირება.

7.2.6. წინამდებარე ხელშეკრულებით განსაზღვრული საგარანტიო ვადების მონიტორინგი და ადმინისტრირება.

7.3. ინსპექტირების ჯგუფი გაწეული მომსახურების ინსპექტირებას ახდენს სისტემატიურად, საკუთარი შეხედულებისამებრ.

7.4. კონტროლი ხორციელდება როგორც შუალედური ფორმით-მომსახურების გაწევის პროცესში, ისე მისი დამთავრების შემდგომ, მიღება-ჩაბარებისას.

7.5. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

7.6. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

## 8. შესყიდვის ობიექტის მიღება-ჩაბარების წესი

8.1. წინამდებარე ხელშეკრულების მე-4 და მე-5 მუხლებით განსაზღვრული გასაწევი მომსახურების ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

8.2. ამ ხელშეკრულების მიზნებისათვის მიწოდებად არ ითვლება უხარისხო (წუნდებული) ან ხელშეკრულებით გათვალისწინებულ მოთხოვნებთან შეუსაბამო მომსახურების გაწევა. ასეთ შემთხვევაში აღნიშნულზე მიღება-ჩაბარების აქტი არ ფორმდება.

8.3. ხელშეკრულების მე-4 და მე-5 მუხლებით განსაზღვრული მომსახურების მიღება-ჩაბარებას ახორციელებენ სათანადოდ უფლებამოსილი პირ(ებ)ი - კერძოდ, შსს სამეგრელო-ზემო სვანეთის პოლიციის დეპარტამენტის საორგანიზაციო უზრუნველყოფის განყოფილების უფროსი პაატა ალშიბაია, განყოფილების უფროსის მოადგილე ბადრი გოგინავა, წმყვანი სპეციალისტი ირაკლი მეფარიშვილი და თანამშრომელი ეკატერინე გუგუშვილი. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

## 9. ანგარიშსწორება

9.1. შემსყიდველი ვალდებულია აანაზღაუროს გაწეული მომსახურების ღირებულება ხელშეკრულებით გათვალისწინებულ ვადაში და პირობებით.

9.2. ანგარიშსწორების ფორმა იქნება უნაღდო.



9.3. ანგარიშსწორება მოხდება ლარებში;

9.4. ანგარიშსწორება შემსყიდველის მიერ მოხდება ეტაპობრივად, ფაქტობრივად გაწეული მომსახურების მიხედვით. საბოლოო მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 10 კალენდარული დღის ვადაში;

9.5. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

9.6. თუ შემსყიდველის მიერ ხელშეკრულებით განსაზღვრული ფაქტობრივად გაწეული მომსახურების ღირებულებამ არ შეადგინა წინამდებარე ხელშეკრულებით გათვალისწინებული სრული თანხა, შემსყიდველი გადაუხდის მიმწოდებელს ფაქტიურად გაწეული მომსახურების ღირებულებას. აღნიშნულიდან გამომდინარე, მიმწოდებელი კარგავს განსახორციელებელი მომსახურების ანაზღაურების მოთხოვნის უფლებას.

#### 10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

10.4. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.5. ხელშეკრულების ღირებულების შემცირება დასაშვებია ფაქტობრივად გაწეული მომსახურების ღირებულების გათვალისწინებით.

10.6. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

#### 11. ხელშეკრულების პირობების შეუსრულებლობა

11.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

11.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

11.3. თუ მიმწოდებელი ხელშეკრულების მე-4 და მე-5 მუხლებით გათვალისწინებული მომსახურების გაწევის პირობებს ვერ შეასრულებს ან/და დაარღვევს კეთილსინდისიერების პრინციპს და მიმწოდებლის მიერ არ იქნება შემოთავაზებული ხარვეზის გამოსწორების გონივრული ვადა, მაგრამ არაუგვიანეს 15 კალენდარული დღისა, შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 10%-ის ოდენობით ან

ბ) ხელშეკრულების მე-4 მუხლით განსაზღვრული მომსახურების გაწევის ვადების გადაცილების, მათ შორის აღრიცხვის პროგრამული უზრუნველყოფის დანერგვის ან/და სერვისცენტრების ვიდეოკამერებით აღჭურვის ვადების დარღვევის შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ყოველ ვადაგადაცილებულ დღეზე დააკისროს პირგასამტეხლო ყოველ კონკრეტულ შემთხვევაში 100 ლარის ოდენობით.

11.4. თუ კი წინამდებარე ხელშეკრულების 13.3. პუნქტის „ბ“ ქვეპუნქტით გათვალისწინებული პირგასამტეხლოს ოდენობა მიაღწევს ხელშეკრულების საერთო ღირებულების 5% და იგი ვერ განხორციელებს მომსახურების გაწევას, და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) ან/და მიმწოდებლის მიერ არ იქნება შემოთავაზებული ხარვეზის გამოსწორების გონივრული ვადა, მაგრამ არაუგვიანეს 15 კალენდარული დღისა, შემსყიდველს უფლება აქვს სახელმწიფო და საზოგადოებრივი ინტერესებიდან გამომდინარე შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი



შესრულებისათვის დაჯარიმდება ხელშეკრულების საერთო თანხის 10%-ის ოდენობით ან ხელშეკრულებით გათვალისწინებული საჯარიმო სანქციების გათვალისწინებით გააგრძელოს სახელშეკრულებო ურთიერთობა.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6. ამ მუხლის 13.5. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

## 12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## 13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

## 14. სხვა დებულებები

14.1. ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად.

14.2. ხელშეკრულება ძალაში შედის ხელმოწერისთანავე.

შემსყიდველი:

მიმწოდებელი:

შსს სამეგრელო-ზემო სვანეთის პოლიციის  
დეპარტამენტის დირექტორი,  
პოლიციის პოლკოვნიკი

ი.მ. „ვახტანგ ცხადაია“-ს  
დირექტორი





შს სამინისტროს ბალანზე რიცხული სხვადასხვა მარკის ავტომანქანების ტექნიკური მომსახურების გაწევის  
აუცილებელი პირობები

1. მიმწოდებელმა ავტომობილებს უნდა გაუწიოს შემდეგი სახის ტექნიკური მომსახურება:
  - 1.1. ავტოსატრანსპორტო საშუალებების პროფილაქტიკური და დიაგნოსტიკური მომსახურება, მათ შორის სათადარიგო ნაწილების შეკეთება ან/და შეცვლა;
  - 1.2. საცხებ-საპოხი მასალების შეცვლა;
  - 1.3. საჭიროების შემთხვევაში ევაკუატორით მომსახურება.
2. ავტოსატრანსპორტო საშუალებების ტექნიკური მომსახურები გაწევა უნდა მოხდეს მიმწოდებლის საკუთრებაში არსებულ ან/და მის მიერ ავტორიზებულ სერვის ცენტრებში, შემდეგ ქალაქებში ან მათ მიმდებარე ტერიტორიაზე არაუმეტეს 15 კმ-ის რადიუსში (გარდა ქ. თბილისისა):
  - 2.1. ქ. თბილისი, ქ. ქუთაისი, ქ. ფოთი.
3. მიმწოდებლის საკუთრებაში არსებულ ან/და მის მიერ ავტორიზებულ სერვის ცენტრებს უნდა შეეძლოს:
  - 3.1. ქ. თბილისში არანაკლებ 10 ავტოსატრანსპორტო საშუალების ერთდროულად მომსახურება;
  - 3.2. ქ. ქუთაისში და ქ. ფოთში არანაკლებ 3 ავტოსატრანსპორტო საშუალების ერთდროულად მომსახურება;
4. მიმწოდებლებს ასევე უნდა გააჩნდეს საჭირო ფართი იმისათვის, რომ უზრუნველყოს ზემოაღნიშნული რაოდენობების ფარგლებში შემსყიდველის ავტომობილების განთავსება ბოქსებში ან/და შესაბამის სადგომზე (დაცულ ტერიტორიაზე).
5. მიმწოდებლის ყველა სერვის ცენტრი აღჭურვილი უნდა იყოს დიაგნოსტიკის აპარატით, ზეთის შემცვლელი ბალონით, განშლადობის გასასწორებელი დანადგარით, ვულკანიზაციის დანადგარით, მრავის ამოსაღები ამწეებით, ავტო ამწეებით და მომსახურების გაწევისთვის საჭირო სხვა თანამედროვე აპარატურით და დანადგარებით.
6. მიმწოდებელს უნდა გააჩნდეს გამართული სასაწყობო მეურნეობა.
7. სერვის ცენტრამდე უნდა მიდიოდეს კეთილმოწყობილი სამანქანო გზა.
8. პრეტენდენტმა ხელშეკრულების მოქმედების პერიოდში უნდა უზრუნველყოს შემსყიდველის წარმომადგენლისათვის თავისუფალი საოფისე ფართის გამოყოფა. სერვისცენტრებში დაცული უნდა იყოს ჰიგიენური ნორმები.
9. ავტომობილის დაზიანებული ნაწილი უნდა შეიცვალოს ახალი/არამეორადი მაღალი ხარისხის სათადარიგო ნაწილით (გარდა პრეისკურანტით განსაზღვრული და შემსყიდველის მიერ მოთხოვნილი ნაწილებისა).
10. ავტოსატრანსპორტო საშუალების ტექნიკური დათვალიერების შემდეგ, მაგრამ ავტომობილების სერვის ცენტრში მიყვანიდან არაუგვიანეს ერთი დღისა, მიმწოდებელსა და შემსყიდველს შორის თითოეულ კონკრეტულ შემთხვევაში უნდა შედგეს დეფექტური აქტი. რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო საქონლის/სათადარიგო ნაწილების დეტალური აღწერა, ღირებულება, მომსახურების დაწყებისა და დასრულების ვადები. ამასთან, ავტომობილების მომსახურება უნდა განხორციელდეს, დეფექტურ აქტში მოცემულ მხოლოდ იმ პოზიციებზე, რომლებზეც იქნება შემსყიდველის ელექტრონული თანხმობა.
11. თუ ხელშეკრულების დადების შემდეგ, ხელშეკრულების მოქმედების პერიოდში აღმოჩნდება, რომ პრეისკურანტში არ არსებობს რომელიმე სახის მომსახურება, აღნიშნული მომსახურების ერთეულის ფასი დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.


შემსყიდველი:

შსს სამეგრელო-ზემო სვანეთის პოლიციის  
დეპარტამენტის დირექტორი,  
პოლიციის პოლკოვნიკი



მიმწოდებელი:

ი.მ „ვახტანგ ცხადაია“-ს  
დირექტორი





## ადრიცხვის პროგრამული უზრუნველყოფის ტექნიკური მახასიათებლები და ფუნქციონალი

1. მიმწოდებელმა უნდა უზრუნველყოს ადრიცხვის პროგრამული უზრუნველყოფის დანერგვა, რომელთანაც შემსყიდველს ექნება დისტანციური წვდომა და რეალურ დროში შეძლებს ავტოსატრანსპორტო საშუალებების ტექნიკური მომსახურების შესახებ სრული ინფორმაციის მიღებას.
2. ადრიცხვის პროგრამულ უზრუნველყოფას უნდა გააჩნდეს შემდეგი ფუნქციონალი:
  - 2.1. პროგრამაში ინტეგრირებული უნდა იყოს ავტოსატრანსპორტო საშუალებების ჩამონათვალი (VIN კოდები, გამოშვების წელი, მარკა, მოდელი, და ა.შ.), ასევე ხელშეკრულების პრეისკურანტით გათვალისწინებული ყველა მომსახურებისა და ნაწილის დასახელება და ერთეულის ღირებულება, მომსახურების გაწევის ვადები, თითოეული გაწეული მომსახურების ან/და ნაწილის საგარანტიო ვადები, ამასთანავე შესაბამისი შეთანხმების გაფორმების შემდგომ შესაძლებელი უნდა იყოს მონაცემთა ბაზაში ახალი ერთეულის ღირებულებების შეყვანა.
  - 2.2. სერვის ცენტრში შესული ავტოსატრანსპორტო საშუალების შესახებ ინფორმაციის მიღება. კერძოდ: ცენტრში ავტომანქანის შესვლის თარიღი და დრო, სერვისცენტრის მისამართი, ავტოსატრანსპორტო საშუალების იდენტიფიცირებისთვის საჭირო ინფორმაცია (VIN კოდები, გამოშვების წელი, მარკა, მოდელი, და ა.შ.), ვის ბალანსზეა ავტოსატრანსპორტო საშუალება და ა.შ.
  - 2.3. სერვის ცენტრში შესული ავტოსატრანსპორტო საშუალების შესახებ ინფორმაციის მიღება, შემდეგი სტატუსების მიხედვით: მიმდინარეობს ტექნიკური დათვალიერება, მოლოდინის რეჟიმშია, ტექნიკური დათვალიერება დასრულებულია.
  - 2.4. ავტოსატრანსპორტო საშუალების ტექნიკური დათვალიერების შემდეგ, შემსყიდველს საშუალება უნდა ჰქონდეს ელექტრონულად იხილოს თვითოეულ მანქანაზე დეფექტური აქტი, რომელშიც თვითოეულ პოზიციაზე მითითებული უნდა იყოს დაზიანების სახე, გამოსაცვლელი დეტალის დასახელება, ერთეულის ღირებულება, ჯამური ღირებულება, შესრულების ვადა და ა.შ.
  - 2.5. შემსყიდველს საშუალება უნდა ჰქონდეს, აირჩიოს დათვალიერების აქტში ჩამოთვლილი სამუშაოებიდან, რომლის შესრულება მიაჩნია მიზანშეწონილად, მხოლოდ დასტურის მიღების შემდეგ უნდა დაიწყოს მიმწოდებელმა ავტოსატრანსპორტო საშუალების შეკეთება.
  - 2.6. ავტოსატრანსპორტო საშუალების ტექნიკური დათვალიერების შედეგად, ავტომობილები უნდა დაჯგუფდეს შეკეთების სტატუსების მიხედვით. კერძოდ: შეჩერებული, მიმდინარე, შესრულებული, ასანაზღაურებელი, ანაზღაურებული, გაუქმებული, პრობლემური.
  - 2.7. შემსყიდველის წარმომადგენელს უნდა შეეძლოს ისარგებლოს ფილტრის დილაკით რის მიხედვითაც შეძლებს თითოეული შეკეთების შესახებ ძველი ინფორმაციის მოძიებას ანალიტიკური მიების საშუალებით. ინფორმაციის დალაგება შესაძლებელი უნდა იყოს მანქანის მოდელის, მომსახურებისა და ნაწილის დასახელების, ერთეულის ფასების, საგარანტიო ვადების, შესრულების ვადების, საფუძვლის მიხედვით.
  - 2.8. როგორც ხელშეკრულების მიმდინარეობის პროცესში, ასევე მისი დასრულების შემდგომ პროგრამის შესაბამისი მოდულის დახმარებით შესაძლებელი უნდა იყოს ბაზაში არსებული ინფორმაციის შენახვა Excel-ის ფაილის ფორმატში. ამასთანავე კონვერტირება Excel-ის ფაილში შესაძლებელი უნდა იყოს მონაცემების დაჯგუფების ან სხვადასხვა პარამეტრის მიხედვით გაფილტვრის გზით.
  - 2.9. პროგრამაში მუშაობა ერთდროულად უნდა შეეძლოს შემსყიდველის რამდენიმე თანამშრომელს 24 საათიან რეჟიმში;
3. პროგრამული უზრუნველყოფის ინტერფეისი და სრულყოფილი ფუნქციონალი უნდა შეთანხმდეს შემსყიდველთან.
4. პროგრამული უზრუნველყოფის დანერგვამდე, შესაკეთებელი ავტოსატრანსპორტო საშუალებების სათადარიგო ნაწილები და გასაწევი მომსახურება უნდა შეთანხმდეს შემსყიდველთან ელექტრონული ფოსტის მეშვეობით.
  - 4.1. ხელშეკრულების გაფორმებიდან 1 (ერთი) სამუშაო დღის განმავლობაში შემსყიდველი მიაწვდის მიმწოდებელს ელექტრონული ფოსტის მისამართ(ებ)ს, რომელთა მეშვეობითაც მოხდება გასაწევი მომსახურების და შესაკეთებელი სათადარიგო ნაწილების შეთანხმება.

შემსყიდველი:

მიმწოდებელი:

შსს სამეგრელო-ზემო სვანეთის პოლიციის  
დეპარტამენტის დირექტორი,  
პოლიციის პოლკოვნიკი



ი.მ. „ვახტანგ ცხადაია“  
დირექტორი

ვახტანგ ცხადაია

